



Ayat Suci Minggu ini

Sirakh 27: 30-28: 7
Mazmur 102: 1-4, 9-12
Roma 14: 7-9
Matius 18: 21-35



DOA:

*Tuhan Allah,
bimbinglah semua
peserta Konvensyen
Pastoral Malaysia
2026. Ajarilah mereka
untuk mendengar
dengan mendalam,
membuat penelitian
dengan setia dan
mempercayai ke mana
Engkau memimpin
Gereja Malaysia.*

EDARAN DALAMAN SAHAJA
BUL 37/2026

Namun, MPC2026 bukan hanya untuk mereka yang hadir secara fizikal di SibU. Oleh itu, pada hujung minggu ini, marilah kita menyokong mereka dalam roh. Semoga setiap paroki, keluarga, Komuniti Eklastias Dasar (KED) dan pelayanan menjangkau mereka melalui doa. Marilah kita berdoa untuk para uskup, paderi, religius, pemimpin awam, wakil belia, keluarga, fasilitator, penganjur dan semua yang melayani di sebalik tabir. Kita mungkin tidak semuanya berada di SibU, tetapi kita masih dapat berjalan bersama dalam doa.

Terdapat tiga gerakan utama yang berlangsung dalam MPC2026 pada hujung minggu ini.

Pertama, Gereja Katolik di Malaysia berhimpun sebagai satu Gereja.

Perhimpunan ini sendiri sudah mempunyai makna yang besar. Kaum paderi, religius dan umat awam dari Sabah, Sarawak dan Semenanjung berada di satu tempat dan mendengar sebagai satu Gereja. Ini merupakan ungkapan persekutuan yang nyata. Apabila kita berhimpun, kita mengiktiraf kepelbagaian, kekayaan budaya, realiti pastoral, perjuangan dan pengalaman iman yang dihayati oleh satu sama lain.

Kedua, ia merupakan masa untuk membuat penelitian rohani melalui perayaan, mendengar dan berjalan bersama.

MPC2026 bukan sekadar mengenai laporan atau pencapaian. Ia merupakan ruang untuk mendengar satu sama lain dan Roh Kudus. Melalui doa, perbualan, renungan dan penelitian bersama, Gereja berusaha mengenal pasti tempat Roh telah berkarya serta arah Roh sedang memimpin Gereja di Malaysia pada hari ini.

Konvensyen ini tidak bermula dari kosong. Ia dibina atas perjalanan yang telah dilalui pada peringkat paroki, vikariat, keuskupan dan wilayah. Hasil daripada Perhimpunan Pastoral Kaum Paderi, Religius, Belia, Keuskupan dan Wilayah menjadi asas utama bagi proses penelitian yang berterusan ini.

Ketiga, ia merupakan satu pengutusan dalam misi.

MPC2026 bukan pengakhiran perjalanan. Hasil penelitian di SibU harus dibawa kembali ke keuskupan, paroki, keluarga, KED, pelayanan dan komuniti kita.

Oleh itu, marilah kita berdoa untuk MPC2026 ketika konvensyen ini berakhir pada hujung minggu ini. Marilah kita memohon agar Roh Kudus membimbing setiap hati yang berhimpun di SibU dan membantu kita melangkah maju bersama sebagai satu Gereja Malaysia.✠

Diterbitkan oleh: Archdiocesan Pastoral Institute (API) | Emel: api@archkl.org

NEWBEC

NEW WAY OF BEING CHURCH | Hari Minggu Biasa Ke-24 | 13 September 2026

BERJALAN BERSAMA KE ARAH SEBUAH GEREJA SINODAL DAN PROFETIK

Umat Untuk Pemuridan Misionari

FOKUS BULANAN: KELUARGA: Menjangkau Keluar

Hujung Minggu Konvensyen Pastoral Malaysia 2026

Pada hujung minggu ini, Gereja di Malaysia berhimpun di SibU bagi Konvensyen Pastoral Malaysia 2026. Dari 9 hingga 13 September, kira-kira 800 peserta dari sembilan keuskupan di Sabah, Sarawak dan Semenanjung telah berkumpul untuk meraikan, mendengar dan berjalan bersama sebagai satu Gereja Malaysia.

Ini merupakan detik bersejarah. Buat pertama kalinya, kaum paderi, religius dan umat awam dari seluruh Malaysia berhimpun dalam sebuah konvensyen pastoral kebangsaan untuk meneliti arah pimpinan Roh Kudus bagi Gereja di negara kita.

